

حقوقی بیلگیلر مجموعه سی

صَاحِبْ وَسْرَحْرَدِي: پارس حقوق فاكولته نى دوقۇرى

آروقات ميللى غادرانقو

هيئت نحريره

موسيو آتيل دستر: پارس حقوق فاكولته سی
مدرس لرندن

موسيو شاورغره ده: پارس حقوق فاكولته سی
فخرى مدرسى

موسيو ا. سالام: حقوق دول مجموعه سی
هيئت نحريره سندن

باهر بك: احضار قوانين كوميسيونى اعضاء سندن
محمد طلعت بك: آروقات

موسيو آ. پليورى: پارس حقوق فاكولته سی
دوقۇرى

فراد خلو مى بك: محكمه تميز اعضاء سندن

صبرى بك: عدليه وكالتى حقوق ايشلرى مدبرى

مصطفى رشيد بك: استانبول حقوق فاكولته سی
مدرس لرندن

احمد رفيع بك: استانبول اجرا رئيسى

احمد صميم بك: استانبول حقوق فاكولته سی
مدرس لرندن

موسيو شارل قروزا: استانبول حقوق فاكولته سی
مدرس لرندن

آدرهس: غلطه ده بختيار خان آروقات ميلاسل غادرانقو بلك يازمخانه سی
تلفون: بك اوغل ۳۰۰۹

بهر نسخه نك بدلى ۳۵ غروشدر

بر سنه لك آونمانى پوسته اجرتيله برابر ۴۰۰ غروشدر

تور كيا خارجى ايچون ۵۰۰ غروشدر

كاغذ حيق ومطبعه جيق آونيم شركتى — استانبول

۱۹۲۸

احکام آمره — احکام تقدیری

قوانین و احکام جدیدہ مزک تدقیق و تتبعندن منہم اولدینی اوزرہ، احکام جدیدہ مزده واضع قانون بعض خصوصاتده امر و نص قانونی وضع ایدرک بر شینک اجرا و یا اہالی و بر عقدک نفاذ و لزومی امر ایتمش و بعضیلرندہده قانونی تطبیقہ مکلف بولسان حاکمہ خصوص منازع فہک حل ایچون بعضاً مقید و محدود و بعضاً واسع و مطلق حق تقدیر بخش ایلشدیر . بواساس قانونیہ بناء حاکم امر و نص قانونی وارد اولان یعنی سبب و جهت حکمی، تعیین و تصریح ایدیلن خصوصاتده او امر قانونی عیناً تطبیقہ مأمور و حقتده امر و نص قانونی موجود اولیسان بر خصوصدهده کندی حق تقدیر و قناعت و جدانیہ سنی اساس و مسند اتخاذ ایدرک کندوسنه عرض اولنان دعوائی انتاج و حکمہ ربطہ مآذوندیر .

احکام جدیدہ مزک باشلیجه سنی تشکیل ایدن قانون مدنی مزک دردنجی ماده سی اشبو قاعدہ قانونیہ بی وضع و تقنین ایلشدیر . مادہ مذکورہ کورہ قانونک تقدیر حق و بر دیکی و ایجاب حالہ و یا خود محق سبیلرہ نظراً حکم و بر مکله مکلف طوتدینی خصوصلرده حاکم، حق و نصفتلہ حکم ایدر بومادہ ایکی قسمہ مقسم و برنجی فقرہده احکام تقدیریہ و ایکنجی فقرہده احکام آمرہ مندبجدر .

قانونک امر ایلدیکی و یا خود حکم و بر مکله مکلف طوتدینی خصوصات بالطبع قانونلریمزده عیناً و صراحةً موجود اولدیغندن احکام آمرہدن معدود اولان بو خصوصاتده مشکلاتہ تصادف اولنہ میہ جفی طبیعی ایسدهده حاکمہ حق تقدیر بخش ایلدیکی خصوصاتده حاکمک وضعت قانونیہ و حقوقیہ سنی تحلیل و تشریح ایتک الک مهم بر مسئلہ حقوقیہ و مناقشہ علمیہ تشکیل ایدر .

حق تقدیر نہدر ؟ قانونلر دائماً وجدان، اخلاق، عدالت، حق و نصفت اوزرینہ مؤسسدر . وجدانہ و عدالتہ مخالف و حق نصفندن متبجدر بر قانون عدلی تصور اولنہ ماز . واضع قانون، قانونلری وضع ایدرکن ہر بر مسئلہ قانونیہده سبب حکمیہده صراحةً ذکر و اتیان ایتیز و بلکہ ایدہ مز . اکثر احوالده حاکم حضور عدالتده ادطای حقوق

و تأیید مدافعه موضعنده بولان متخاصمینک وضعیت اجتماعی و حقوقیه سنه ، کندوسنه عرض اولان دعوانک موضوع ولدنیاتنه تحقیقات و تدقیقات عمیقہ اجرا و طرفینی استجواب ایدرک نفوذ ایدر واکال تحقیقاتدن صوکره کندوسنجه حاصل اوله جق انطباعاتدن متحصل قناعت وجدانیه سنی تأسیس و تشکیل ایدہ بیلیر . مسائل قانونیه بعضاً غایت بسیط و بعضاً غایت معضل و مرکب اولور . مثلاً سن رشدی تعیین ، حدود وراثتی تمدید ایچون مشکلات یوقدر . واضع قانون بونی تعیین ایتمش . فقط عقود مدنیہ و تجارتیه نک ، طرفین متخاصمین بیننده منعقد مقاولات و تمهدانک قیمت و ماهیت حقوقیه لرینی تعیین واکا کوره مثبت و یا منفی برقرار اتخاذا ایدہ بیلیمک خصوصی اولدقجه مشکل بر صفحه حقوقیه عرض ایدہ جکنده شبهه یوقدر .

ایشته یوقیل خصوصات و مسائلده حاکم ینه قانون مدنییزک برنجی ماده سی موجبنجه اول امرده آله موجود و او حادثیه قابل تطبیق اولان قانونی بتون لفظی و روحی ایله تدقیق ایتمک و بویله بر منبع قوت و فیض مفقود و یا خود حد ذاتنده بو باده بر قانون و یا نظام غیر موجود ایسه قانون درجه سنده حکمی اولان عرف و عادتی تحری و آئی تقدیر ایتمک مأذندر .

بوده یوقسه کندیسینی واضع قانون موقعنه کچهرک منازع فیہ خصوصده نه کی بر قانون و یا حکم و یا قاعده وضع ایدہ جک ایدی ایسه اول صورته حادثیه تدقیق و حکمی اعطا ایدر . ایشته بو برنجی ماده نک صوکره ایکی فقره سنده دخی حاکم ینه اجتهاد لردن و قضائی قرارلردن استفاده ایتملیدر . بو صورته دوشون و حرکت ایدن حاکم ، قانون مدینک برنجی و دردنچی ماده لری وجهله حق تقدیره مالکدر . حق تقدیر قناعت وجدانیه مستند اولملیدر ، وجدان حاکم عمومیدر . حاکمک اجرا ایدہ جکی تدقیقات و تبعات نتیجه سنده ویره جکی حکم هر حالده وجدانک قناعتنه مستند اولملیدر . بورایه قدر ایضاح ایلدیکم خصوصات احکام آمره و احکام تقدیریه نک جهت تطبیقیه سنه متعلقدر ، بوده بو موضوعی بشقه بر نقطه نظرلردن دخی تدقیق ایتمک ایجاب ایدر .

واضع قانون بر مسئله حقنده (ایدر) و یا خود (در) و یا خود (اولور) دیه تصریح ماده ایدر و بعضیلرنده (ایدہ بیلیر ، اوله بیلیر ، اولملیدر ، اولسی دوغرودر) دیر . و بعضیلرنده آنجق قاعده عمومیہ و نظریه اوله رق حادثیه ذکر ایدر و کچر . ایشته بو نقطه نظرلردن دخی قانونک برنجی قسمده وضع ایلدیکی قواعد احکام آمره دن دیگر

قسملرده کی احکام تقدیریه دندر. تعیر آخرله بعض خصوصاًده احکام مجبوریه و بعض خصوصاًده احکام اختیاریه وضع ایشدر. شو حالده بونقطه نظر دن دخی مسئله تدقیق اولدنی تقدیرده احکام آمره و احکام تقدیریه استخراجی قابلدر. موضوعی هر ایکی خصوصده تماس ایتدیره رك تحلیل و تشریحه چالیشه جفر. بو خصوصده قوانین جدیده مزی یکان یکان تدقیق ایتك ایجاب ایدر.

قانون مدنی

1 — برنجی کتاب — شخصك مفروق... قانون مدنیزك حقیقی شخصلر باینده موجود شخصیت، اموال شخصیه، سجل قیدلری، حکمی شخصلر باینده کی احکام عمومیه، جمعیتلره و تأسیس فصللر نده موضوع احکام و قواعد عمومیه قانونك احکام آمره سندندر. زیرا بونلرده مدنی بر شخصك شخصیتی، سجل نفوسده کی قیدی کندیسك وضعیت حقوقیه و قانونیه و اجتماعیه سنی مبین اولدیغندن بونلرده تقدیر حق و یريله مشدر. و ذاتاً یريله مز. حکمی شخصلر، جمعیت بشریه ده کتله حالنده موجودیت اظهار ایلکده اولدقلرندن اشخاص حقیقیه و متشخصه کی عین احکامه تابع اولملری لازم کلیر. تأسیسلرده یعنی اوقافده عامه نك حقوق و منافی موضوع بحث اولدیغندن حقوق عمومیه دن اولان بونلرده دخی واضع قانون امر و نص قانونی وضع ایشدر و پك دوغرودر.

2 — ایلکبی کتاب — عائله مفروق... واضع قانون بو خصوصده بر چوق روابط اجتماعی و حیات اجتماعی بی دزپش ایدرك بشقه اساسلر اوزرینه بنای حکم ایتکی موافق بولمشدر. اولنمه، عائله تشکیلی و نفراعانك اکیالی وظیفه سنی حد ذاتنده هر فردك ید اختیارینه ترك ایشدر. هیچ بر کیمسه اولنمه و عائله تشکیله اجبار ایدیله مز. بو خصوصده مدنی هر شخص حر و سربستدر. فقط تأهل و عائله تشکیلی آرزوسنی اظهار ایلدیکی تقدیرده قانونك وضع ایلدیکی احکام آمره ایله برابر حاکم حق تقدیرینه تابع اولوق لازم کلیر.

جمعیت بشریه نك تعالیمی، عائله افرادی بیننده وجودی غایت ملزم اولان تساند و روابط و مناسباتك تشید و ترصینی ایچون واضع قانون حاکمه واسع بر حق تقدیر بخش ایشدر. مثلاً؛ نشانلانمه عقدینك فسخی حالنده مقسبب اولان طرفه تضمینات مادیه و یا معنویه

حکم ایتک خصوصنده واسع حق تقدیره مالکدر. بونی قانون تعین و تقدیر ایتهمشدر. اولنجه اهلیت، باطل اولان اولنجه، اولنجه مانعلر و سائر خصوصنده قانون احکام آمره وضع ایتشدر. بونلرده نص قانونی وارد.

بوشامه خصوصنده، بوشامه اسبابی قانون تعین ایتش و فقط بونلرک تقدیریینه حاکم وجدان و حق تقدیریینه ترك و تودیع ایتشدر. علی الخصوص بوشامه، چوجوق ماللرینک ادارهسی، نفقه، تدایر سائر اتخاذه و قاری قوجه ماللرینک بوشامه حالنده ادارهسی خصوصلرینه متدائر اوله رق بینهماده منعقد عقود و مقاولات و طرفین جانبندن اقامه ایدیلان بینات و دلائل و شهود و سائر اسباب ثبوتیه و حتی اقراریه حاکمی هیچ بوجهله تقیید ایدمیوب احوال مسرودهنک کافهسی حاکم حائز اولدینی حق تقدیر مطلق ایله تعین و تقدیر و حکمی اكا کوره تویع ایدر. قانون مدینک 150 نجه مادهسی بو خصوصده واسع برحق تقدیر بخش ایتشدر. اوصاف لازمه معنویه و قانونیه ایله متصف اولسی ایجاب ایدن حاکم بوباید حق تقدیر اوزرینه اسطار ایدهجکی حکم و قرار قانونک احکام تقدیرییه سندنذر. بونده کی حکمت و اسباب ایسه طائله یوردینک تعالی، ترقی و انکشافی مقاصد علویه و قدسیهسی نظر دفته آلمش و طرفینک آرزو و اراده لرینه تابع طوبیلمامشدر. فی الحقیقه، قاری قوجه، آره لرنده کی اولیلکک بوشامهیه قلبی بینلرنده قرارلاشدیره رق حضور حاکمه بالاتفاق کلیرلر و ظاهراً خصم فقط باطناً متفق و متحد اوله رق و مرتب بر دعوی اقامه ایدرک آریله بیلیرلر. فقط اورته ده موجود چوجوقلرک وضعیتلری نه اولور؟ او معصوم چوجوقلرک حقوقی کیم محافظه ایدهجک، قاری قوجه دن هر رییسی بر آرزو و هوس و مقصد مستقبل و مخیل اوغرینده آره لرنده کی اولیلکی فسخ ایدرک، او عائله نك اعمار حاصله سی اولان چوجوقلری کندی باشلرینه و کندی حاللرینه ترك ایتلمری قطعاً جائز دکلددر. بونقطه نظر دن واضع قانون دوراندیشانه حرکت ایدرک حاکمه حق تقدیر مطلق و واسع بخش ایتشدر که بوسورتله ظهوری ملحوظ و بلکه ده محق اولان تهلمکه و ضررک اوکی بر درجه آلمش اولور. نسبک محافظه سی و تصحیح لری خصوصلرنده برچوق احکام آمره و تقدیرییه وضع ایتشدر.

اولاد ایدنمه ده طرفینک رضا و موافقتی کافی اولمیوب قانونک امر ایلدیکی احکام و قواعد تحقق ایتلی و حاکم حق تقدیریینه استعمال ایدرک اول عقدی تصدیق ایلایدر.

وصایت خصوصندہ حاکم حق تقدیری دایا زیادہ توسیع ایدیلش و بوبادہ صلح
حاکمک حائز اولدینی حق تقدیر بعض مستنا خصوصانده محکمہ اصلیه نك مساعده
خصوصه سنه دخی اقتران ایتمک شرطیله معتبر اوله جنی اساسی وضع اولمشدر .

3 - اوجنهی کتاب - میراث . . . واضع قانون ، قانونی میراثگیری تعیین
وتحدید ایشدر . بوخصوص قانونک احکام آمره سندنذر . فقط حصه ارثیه بی تعیین
امرندہ بعض وارثلری سربست براقشدر . مثلاً 444 نجی ماده ده قاری ویا قوجه ایچون
قانونی میراثگیر ایله اجتماع ایستدکده معین حصه ده ملکیتہ ویا معین حدود دائره سنده
انتفاع حقنه مالک اولوق و 445 نجی ماده موجبنجه دیلرلر سه بو حق یرینه معین بر ایراد
طلب و بونی تحت تأمینہ آلدیرمق حقنی حائزدرلر .

اولومه باغلی تصرفلر ده : واضع قانون هم احکام آمره هم ده احکام تقدیریہ ویا
اختیاریه وضع ایشدر . اولومه باغلی تصرفده بولنه جق برکیمسه نك 452 و 453 نجی
ماده لر موجبنجه هر حالده ورثه قانونیه سنک محفوظ حصه لرینی کوزه تهرک میراث مقاوله سی
ویا خود وصیت یا پمنه مساعده ایدیشدر .

اولومه باغلی تصرفلرک ابطال و تنقیصی و میراثده اعاده و ترکه نك تقسیم ، تصفیہ ، تثبیت
و بین الورثه تقسیمی کی خصوصانده واضع قانون بر جوق قواعد و احکام آمره وضع
ایشدر که بونلره رعایت ایدلمدیکی تقدیرده او تصرف حکمی اوله مبه جنی وفسخ وابطالہ
معروض قاله جنی مصرحدر . شو حالده میراث قسمندہ واضع قانون احکام آمره بی احکام
تقدیریہ ایله برابر تألیف ایدرک وضع ایشدر . بوده پک دوغرودر . چونکه هر نه قدر
مدنی حق لرینی استعمالده حریت و سربسیت تامه یه مالک اولان مدنی بر شخص حال حیاتنده
قوة عقلیه و میزه سنه مالک اولدینی بر زمانده کندی مالنده دیلدیکی کی تصرف ایتمک
حقنی حائز اولدینی غیر قابل انکار ایسه ده اصحاب وراثتدن بولان افراد عالمه و منسوبینی
اضرار قصیدیه بلا سبب محق و قانونی مالی دیله دیکی کیمسه یه وصیت ایتمی ویا میراث
مقاوله نامه سی تنظیمی صورتیله ترک و هبه ایلمی قطعاً موافق معدلت اوله ماز . هر کس
برحقه ، بر وظیفه و وجیهه مقابلنده مالک اوله بیلیر . بلا وظیفه ، بلا وجیهه حق یوقدر .
هر حق مقابلنده بر وظیفه و هر وظیفه ویا وجیهه مقابلنده بر حق واردر . قانونی وارثی اولان
برکیمسه نك رأیی مطابق دکل مشترکدر . وارثی ، مورثینک حال حیاتنده اونک مالندن

حق تصرفه مالك دكل ايسه ده بعدالوفات او حقه مالكدر. د اها دوغروسی مورسه قارشو، مانع ارث و عزل و محرومیت اسبابندن بریسی کندوسنده موجود اولیان بروارنك وراثت حق، بذاته موجود اولوب بونك حق استعمال و تصرفی وفاته معلقاً تأخر ایدر دیمكدر. نته كیم واضع قانون صاغ اوله رق طوغمق شرطیله جنینك آنا رحنه دوشدیکي آنده مدنی حقلره مالك اولدیفنی قبول و تجویز ایلمشدر. حق وعدالت ونصفت دخی بونی ایجاب ایتدیریر.

۴ — عینی مقرر — قانون مدنی بوبابده احكام آمره و مجبوریه وضع ایتمشدر. منقول و غیر منقول ملکیتی، غیر منقول اوزرینه مؤسس ارتفاق وانتفاع حقلرینك صورت اکتساب واستعمالی خصوصنده موضوع احكام وقواعد و اساسات حقوقیه پك مهم برمقصده مستقدر. اوده حق ملکیت و تصرفی هر کونا تجاوز و مداخله دن منع ایتمكدر. بوبابده واضع قانون احكام آمره وضع ایتدیکي کبی طرفین عاقدین بیننده منعقد و منقول و غیر منقول مکلفیته و ایسوتك ورهنه متدائر مقاولاتی دخی قانونه موافق اولمق شرطیله معتبر عد ایتمشدر.

هدم و قلع خصوصنده قانون ارضه مضر اولوب اولمدینی خصوصی نظر دفته آلمش واراضه مضر اولمدینی تقدیرده هدم و قلعیه مساعدیه ایتمشدر.

استطراد قیلندن اوله رق شونی دخی بیان ایدیم که : احكام سابقه مزده بلااذن انشا آنده نظر دفته آلان خصوص، زعم شرعی ایدی. احكام جدید مزده ایه نظر دفته آلان نقطه، هدم و قلع خصوصنك ارضه مضر اولوب اولمدینی کیفیتدر. بوده انشاءات خصوصنی تشویق و متشبثاری تشجیع ایلمكدر. مع هذا واضع قانون ارض صاحبنی قلع و یا قیمتی تضمین خصوصنده مختار قیلمشدر. بوده عرصه صاحبی ایچون تقدیری بر خصوصدر. ذی الیدلك و طاپو سجلی محذرنده دخی بر چوق احكام آمره وضع ایلمشدر که بونلره رعایت مجبوردر.

بورجلر قانونی

بورجلر قانونمز طرفین عاقدینك بالرضا عقد ایلدکلری عقود و مقاولاته بر قیمت قانونیه و حقوقیه و یره رك بونلرك احتوا ایلدیکي احكامی، احكام آمره و احكام تقدیری اولمق اوزره قبول ایلمسی خصوصنی محتویدر.

1 — قانون مذکورك 2 نجى مادهسى موجبجه عقدك اساسلى نقطه لرنده طرفين مطابق قالوبده تفرعات مسكوت عنه قلمش ايسه طرفين تفرعات حقنده اتفاق ايدمه دكلرى تقديرده حاكم بونلرى تعيين وثبیت ايدر. ايجاب وقبول خصوصنده قانون برحقوق قاعده لر وضع ايتمشدر. بونلره رعایت مجبوربدر، زیرا احكام آمره قانونيه دندر. فقط ديكر خصوصاتده حاكم حق تقديري اساس اتخاذ ايتش اولديغندن بونلرده احكام تقديره دندر.

2 — قانون مذکورك 19 و 20 نجى مادهلرى موضوعمه پك چوق تماس وتعلق ايدن مادهلردر. سربستى عقود ومقاولات بحثنده حاكمه پك بيوك تقدير بخش ايدلشدر. مادتين مذکوريته كوره قانونك صورت قطعيه ده امر ايلديكى قواعد حقوقيه ويا قانونه مخالف، اخلاق وآداب ويا عمومى انتظام ويا خود شخصى حكملره متعلق حقلره مغاير اولان هر مقاوله ويا عقد معتبر دكلدر. بو خصوصده قانون صورت قطعيه ده احكام آمره وضع ايتمشدر. برده عقدك محتوى اولديغنى شرطلردن بر قسمتك بطلانى عقدى ابطال ايتيوب اوشرطى، شرط لغو حالته ا فراغ ايدر. ايمدى هانكى شرطلر اساسلى شرطلردندر هانكيلرى دكلدر. بو خصوصى بالطبع حاكم تعيين وتقدير ايدمه بيلير، ايشته بو نقطه ده حاكمه حق تقدير ويريلىشدر.

حاكمه طرفيك قصد ونيته وموضوع مقاوله لك ماهيته كوره بونلرى بالتقدير تعيين وثبیت واکا كوره حكمنى اسطار ايدمه بيلير.

3 — بورجلر قانوننك 24 نجى مادهسنده اساسلى خطالردن بحث و بونلرك درت نوع اوله جنى تصریح ايديليور. فقط بونلرده ده ينه حاكمه حق تقديرى قبول ايديليك ايجاب ايدر. چونكه طرفين متخاصمين دائما خطابك اساسلى اولديغنى اعظام ايدرك ادا ايتك ايتترلر. بالطبع بو موافق اوله ماز. حاكم بو خصوصى بحق تقدير ايدرسه حقيقى كشف وخطابك اساسلى اولوب اولديغنى ثبیت ايدمه بيلير.

4 — حيله واکراه خصوصنده دخى قانون بعض احكام وضع ايتش ايسه ده حيله لك شكل ونوعى واکراهك صورت ايقاع وشرايط ودرجهسى تقدير نتيجه سنده نئين ايدمه جكندن بوخصوصده قطعى برشى سويلنمه چكى طبيعيدير.

5 — عقد فضولى به اجازنده اجازتك صورت، زمان ومحل وقوعى واجازتى ویرن شخصك وضعيت حقوقيه سنى ووا عقده درجه علاقه وارتباطى آنحق حاكم تعيين ايدمه بيلير.

6 — حقسنر معامله و فعللردن و حقسنر فعللرله مال اکتسابندن متولد بورجلرده حقسنر فعلك درجه وزمان و صورت ايقاعی متجاوز و متجاوز عليك وضعت اجتماعيه و حقوقيه سنه كوره ضرر و تضمينات ماديه و معنويه مقدارينك تعينى خصوصنده حاكمه حق تقدير و يريلشدر. و اساساً بو قبيل افعاله آنحق تقدير ماده ايله تعيين مسؤليت قابل اوله بيله جگندن احكام آمره وضعى امكان خارجنده در .

7 — بورجلرك ايفاسنده شرائط مقاوله يه ، نوع آچه ، رايجه ، متعهد بهك نوع و جنسنه كوره حل مسئله ايديلير .

8 — فائض خصوصنده واضع قانون معاملات عاديده مرابحه و احتكارك اوكنه كچ بيلمك ايچون مقطوعاً بوزده بش قبول ايتشدر. آنحق تمرد و سائر حالنده فائضك صورت وزمان تأديه سنى و نسبتى بعض احكام ايله تحديد ايتشدر ، بو خصوص احكام آمره دندر و بوكا رعایت مجبوريدر .

9 — بورجلرك سقوطى فصلنده قبول ايديلن مرور زمان حقوق عموميه دندر .
ته كيم 127 نجى مادهده بو خصوص تصريح ايديلهرك اشبو اوچنجه باده تعيين اولنان مرور زمان مدتلى مقاوله ايله تعديل ايديله مز . يكي حقوق اصول محاكمه لرى قانونى موجبنجه مرور زمان اداسى اعتراضات ابتدائيه دن اولمديقه نظرأ دعوانك هر حالنده و محاكمك هر درجه سنده درميان اولته بيله جگندن بو خصوصده دخی محكمه لرك حق تقديرى غير قابل انكاردر .

10 — بي آچمه سى ، ضمان رجوع ، اجرت توقيفى و شرط جزائى فصلنده واضع قانون بعض احكام وضع ايتشدر. فقط بونلرك كافه سنده حاكمك حق تقديرده نظر دفته آنحق ايجاب ايدر . تضمينات مقدارينى تعينده آنحق و يالكز حق تقدير يكانه سبب حكمدر .

11 — تملك مطلوب و نقل دين خصوصنده طرفين بيتنده منعقد مقاوله نامه حاكمك حق تقديرينه مانع اوله ماز .

12 — بورجلر قانوننك ايلك 181 نجى ماده سى بورجلرك و مقابلنده كى حقوقك صورت تولد و ترتيبى مابين اوبغله قواعد اساسيه يى تشكيل ايدر . بو باده واضع قانون حاكمه بعض خصوصانده حق تقدير بخش و بعض مسائلده بالذات كنديسى ترتيب ايدن

احکامی تعیین و تصریح ایشدر . اساساً بورجلر قانونی ایکی مهم قسمه منقسم اولوب بونلردن برنجی قسم عمومی احکامی یعنی هر عفته و یا هر بورج و حق تولید ایدن قول و یا فعله ترتب ایدن احکامی مبین اولق اعتباریه بوراده احکام تقدیریه دن زیاده احکام آمریه تصادف ایدلمکده در . ایکنجی قسمی عقودک انواع مختلفه سنی محتوی اولق اعتباریه هر عقدک موضوع و ماهیته کوره احکام خصوصیه وضع و تعیین ایدلمشدر .

13 — از جمله بیعده و اشکال و انواع متعدده سنده ، هبه ده ، ایجار ده ، عاریته و دیگر عقود مدنیته نک کافه سنده واضع قانون طرفین عاقیدنک حقوق و منافعی تأمین و وجائب قانونیه و عقیده سنی تثبیت ایچون متعدد احکام وضع ایشدر . حد ذاتنده قوانین جدیده مز دخی احکام سالفه مثللو عقود مدنیته بی لازم و غیر لازم قسملرینه تقسیم ایتس و کرچه بورجلر قانوننده بویه صریح بر تقسیما ته تصادف ایدلمه مکده ایسه ده هر عقدک کندینه مخصوص احکام و اشکالی تدقیق و تعمیق ایدیلدیکی تقدیرده هبه ، عاریت ، ودیعه ، شرکت عادیه کی عقود مدنیته ده عاقیدن اولعقدله و شرائط مقررده سی ایله پکده مقید اولوب سربستیت نسبییه مالکدرلر . فقط بیع ، ایجار ، نقل دین ، کفالت کی عقود مدنیته ده واضع قانونک تعیین ایدیلدیکی احکام و اشکال قانونیه و اصولیه بی عیناً محافظه یه و اولنره رعایتیه مجبورز . طرفین بوقیل عقودده درعهده و تحمل ایدیلدیکی وظائف و وجایی ایفا ایتمه کی مجبور و عکسی تقدیرده مخالف حرکاتندن دولایی مسئولدر .

فی الحقیقه عقود مدنیته مزک ماهیت ، قیمت و صورت انعقاد و تشکلی مبین اولان بورجلر قانوننک هر فصلی و هر ماده سی یکان یکان تدقیق و تعمیق اولندبغی تقدیرده اینجه بعض شروط و قیود قانونیه و عقیده یه تصادف اولنورکه بونلری بوراده تحلیل و تشریح ایتدیکمز تقدیرده صحیفه لر طولیسی یازیلر یازمق مجبوریتنده قایلر . بوراده اساسات عمومی دن بحث ایتک دها زیاده موافق مقصد و مصلحت اولور . تفرعات امور اساسدن تشعب ایدر .

14 — برده طرفین بیننده منعقد هر عقد دولایسیله ، طرفینک متقابلاً تعهد و التزام ایدیلدیکی وجائب و وظائفک صورت و طرز زمان ایفاسنی و عدم ایفا و تأخیر اجرایی حالنده کی احوالی تعیین خصوصی حاکمک حق تقدیرینه ترک ایتک موافق عدل و مصلحت اولور . کرچه طرفین بیننده منعقد بورجلر قانوننک 19 و 20 نجی ماده لرنده کی تحدید ایدن عاری اولان عقد ، عاقیدن ایچون بر قانون خصوصی حکمنده عد و اعتبار ایدیلر بیلر ایسه ده

بعضاً عاقدین حین عقدده مقصد حقیقیلرینی کیزله مک و هر بریسی منفعت ذاتیه و شخصیة سنی تأمین و آخری اضرار غایه سنی تعقیب ایتک ایچون متعدد کلفت و بورج آلتیه کیره بیلیر و فقط اولعقدک حین اجر اسنده مقاصد مذکوره پیدر پی میدانه چیقار. ایشته بوتقدیرده ینه عدالت و وجدان اساسلردن ملهم اولان حاکم حقیقت حالی و طرفینک وضیت حقوقیه سنی سربستهجه تقدیر و تعیین ایتکه مأذوندر. هر عقدک حکمی طرفینک آرزوسنه ترک ایتمه رک منافع عمومیة نامنه و احکام قانونیه یه توفیقاً عدالت و وجدان قواعدی و اساساتی داخلنده تعیین ایتک ایجاب ایدر.

بورجلر قانونی حقنده بو قدر مختصر ایضاً ساحتدن صو کره تجارت قانوننه نقل کلام ایدم :

تجارت قانونی

واضع قانون معاملات ناسی ایکی مهم قسمة تقسیم و تفریق ایلشدر . بریسی امور و معاملات عادیة و دیگریده امور و معاملات تجاریه در. امور و معاملات عادیة ده واضع قانون طرفینی اکثریا احکام آمره تحت تأثیرنده بولندیرمش و بو خصوصده احکام تقدیری دن زیاده احکام آمره وضعی اساسنی درپیش ایلش و بونده کی اصابت فکریه و منطقیه دخی غیر قابل انکار بولنشدر .

امور و معاملات عادیة ایسه واضع قانون بشقه اساسات و احکامدن ملهم اوله رق روابط تجاریه نی ورشته عقدیه نی تأمین بذل مجهود ایلشدر .

تجارت علمنده و اقتصاد ساحه سنده وجودی بغایت ملتزم اولان امنیت، سرعت و اعتبار اساسات مهمه سی معاملات تجاریه نک تمّل طاشنی تشکیل ایدر ... بر معامله تجاریه مشر و منتج موفقیت اوله سیلمک ایچون دائماً بواسطلر اوزرینه ابتنا ایتلیدر . بو اساسلردن تجرد ایدن بر معامله یه، معامله تجاریه دینه مز . بیکلرجه لیرا سرمایه مالک اولان بر ذات عالم تجارتده مناسباتده بولنشی ضروری اولان تجار و سائر اقتصادیسونک امنیت و اعتبارینی قازاناماش ایسه کلی مقدارده کی سرمایه سی ایله هیچ بر ایش پایه ماز . بالعکس اون پاره سرمایه سی اولیان رکیمه حائز اولدینی امنیت و اعتبار سایه سنده بیکلرجه لیرالق معاملات تجاریه ده بولنه رق مادی و معنوی بیوک بیوک استفاده لر تأمین ایده بیلیر . علم اقتصادده استحصال، مبادله، تداول و استهلاك مباحثنده دخی آنجق بو اوج مهم قاعده نک پک بیوک رول اوینادینی هر کون مشهودیمزدر .

واضع قانون شو قواعد ثلثه مذکور بی پیش تأمله آلهرق تجارت قانونمژك مقدمه سنده ایکی مهم قاعده وضع ایلشدر. برنجیسی: قوانین تجاریه، بالجمله مواد تجاریه حقهده تطبیق اولنور. قانون بوبابده احکام آمره دن اولق اوزره بوقاعده عمومی بی وضع ایلشدر. یعنی تجارت قانونی و آنده صراحت وقواعد لازمه موجود ایکن دیگر هیچ برقانونه مراجعتله حل مسئله اتمک ممکن اوله ماز. ایکنجیسی مسائل تجاریه، اول امرده طرفین بیننده منعقد وقانوناً معتبر مقاولاتله و بوده اولمازسه قانون تجارتك صراحت وحق دلاتیله حل ایدیلیر و ونرله حل مسئله ممکن اولمازسه عادات تجاریه مابه التطبيق وعادات محلیه، عادات عمومی به ترجیح اولنور. شو حکم آمری به کوره واضع قانون ایلك اول طرفین بیننده منعقد مقاولاتی قبول ایتشدر. طبعی در که بومقاوله لاعلی تعیین بر مقاوله اولیوب قانوناً معتبر و طرفینی ملزم اولمیلیر. دیمک که واضع قانون امر ایلیکی شو خصوصی یته طرفینك حق تقدیرینه ترك ایلشدر. تجارت قانونندن صکره درجه ثانیهده عادات تجاریه بی اساس اتخاذ ایلشدر. عادات تجاریه بین التجار متعدد معاملات تجاریه و اقتصادی تگون و متحدی اوزرینه تقرر ایتش وعاداتا قانون حکم وقوتنده بولنش اولان عرف وعاداتدر.

عرف وعادات معاملات تجاریهده بیوک بر رول اوینار. حتی او درجهده که بر محلك اهالیسی بیننده جاری عرف وعادت بر معامله تجاریهك شکل خصوصیده اجراسنی مستلزم ایسه او عرف محلی وخصوصی نوعما عرف عمومی به قارشو بر قانون خصوصی درجه سنده در.

ایشته بو عرف وعادت محلیه دن آیرلق قابل اولماز. بو خصوصی حاکم تقدیر و آکا کوره حکمی ویرمی ایجاب ایدر. کوریلور که واضع قانون معاملات تجاریهده احکام آمره دن زیاده احکام تقدیریه وضعی موافق کورمشدر.

۱ — اهلیت تجاریه، سجل و عنوانه تجارمه قانون احکام آمره وضع ایتشدر. چونکه بونلر دوغرو دن دوغرویه انتظام عامیه و منافع عمومی به متعلقدر. اهلیت قانونیه بی حائز اولیان، سجلده مسجل اولیان و عنوان تجارتده مجهول اولان و دفاتر مجبوریه تجاریه بی طوتمایان بر کیسه نك امور و معاملاتنده کرک کندوسنك و کرک اشخاص متعاقده نك ضرر کلی به دوچار اولسی قویاً ملحوظدر.

۲ — شرکت تجاریه فصلی و بش نوع شرکت تجاریه ایچون واضع قانون احکام

مخصوصه وضع ایشدرد. بالخاصه شرکت تجاریه نك تشكیل، تبدیلی، فسخ و یا انفساخی حاللرنده کی اعلانات قانونیه نك اجرایی مجبوری و عدم اجرایی حاللده کی نتایج قانونیه و حقوقیه نك ماهیتی معلوم اولمق اعتباریه تشریحیه لزوم یوقدر. فی الحقیقه واضع قانون بوبابده وضع ایلمش اولدیغی احکام آمره ایله شرکتی و شرکانك حقوقی محافظه ایتمکله برابر الك زیاده تعقیب ایتدیکی غایه اشخاص نالته نك حقوق و منافعی محافظه و آنلری هر کونا ضرردن وقایه ایتک مقصدینه معطوفدرد. فسخ و انفساخ و تصفیة معاملات خصوصنده واضع قانون حکامك حق تقدیری توسیع ایشدرد. آنونیم شرکترلنده کی تحدیدات و قییدات قانونیه حریفاً رعایت مجبوریدر، بونده حق تقدیر یوقدر. اساساً آنونیم شرکترلری منافع عمومییه نامنه و مقصد عمومیک حیز فعله ایصالی امرنده بیوک متشبثلرک اشتراکیله تشکیل ایتیش و حکومتك تحت تفتیش و مراقبه سنده دائمی صورتده بولنیش بر شرکت اولدیغندن بونده تقدیری احکامدن زیاده قطعی و آمری احکام تثبیت ایدلمشدر.

3 سنرات تجاریه فصلنده واضع قانون کرک کشیده جی و یا ممضی و کرک مخاطب و حامل و جرائته لرك و کفلائی سائرته نك حقوقی محافظه آمرنده متعدد احکام آمره وضع ایشدرد. بوبابده الك زیاده نظر دفته آلمان خصوص سندات تجاریه نك نقد کی آلدن آله تداولك و معاملات تجاریه نك سالم بر طرزده جریانك تأمین و حقوق ناسك محافظه سی مقصدی تعقیب ایدلمش اولدیغندن قبول و تأدییه، مدت و عدم قبول و یا عدم تأدییه و حلول وعده ده کی علاقه دارانك ایفاسیله مکلف اولدقلری وظائف قانونیه و مرور زمان مدتلی تقصیر و حتی ملغا تجارت بریه قانونك قبول ایتدیکی بش سنه لك مرور زمان استثنائینك اوج سنه یه قصر و تحدیدی و حق تحلیفك زعی خصوصاتی دخی متعدد قیود و شروط قانونیه یه تابع طولشمشدر. بوقیل خصوصاتده حکامه محدود و مقید حق تقدیر ویرلمش و اکثریاً واضع قانون احکام آمره وضعی لزومی حس ایشدرد. فی الواقع معاملات تجاریه نك الك بیوک قسمی تشکیل ایدن سندات تجاریه بك مهم و مفصل بر موضوع تشکیل ایتك اعتباریه معاملات تجاریه نك حیاتی منابه سنده در.

4 — نهمرات تجاریه ده و بوکا متفرع اولان بیع، رهن، قرض تجاری، عمومی مغازله لره تودیعات، نقلیات، قومیسسیونجیلیق و کالت تجاریه و سیفورطه جیلیق و اماتجیلک

فصلارنده واضع قانون احكام آمردهن زياده احكام تقديره وضع و بو باده حكامه حق تقدير بخش ايشدر.

تعهدات تجاريه دخي سندات تجاريه مثللو بك مهم بر قسم تشكيل ايلكده ايسده تعهدات تجاريه ده علاقه دار اولانلر معين و محدوددر. طرفين عاقدین بيننده منعقد عقود و مقاولات بالضرور طرفينه ملزم اوله جغندن اشخاص نالتهيه بعضاً تأثير ايتمز. فقط شركات تجاريه ده طرفين عاقدیندن زياده اشخاص نالته و احجاب علاقه نك حقوقی نظردقته آلمش و بو باده واضع قانون تقديری احكامدن زياده آمری احكام و قيود وضع ايشدر.

۵ — امور و معاملات تجاريه مياننده اشخاص نالته نك فوق العاده علاقه دار اوله جني بر قسم مهم داها و ارسه اوده افروس مجبیرر. افلاس بحثی معاملات تجاريه ده مستثنا بر وضعیت حقوقیه و تجاريه و اجتماعیه تشكيل ايدر. افلاسك ركن اصليسی اعتماد و امنیت عمومیه نك محافظه سيدر. بالاده دخي بيان اولندينی وجهله حقوق تجارت و علم اقتصادك اساسی سرمایه و نقد یعنی سرمایه ماديدهن زياده امنیت، سرعت، و اعتبار کي سرمایه معنويه در. بو معنوی سرمایه خلل کترین بر تاجرك بين التجار عالم تجارتده موقعی اوله ماز. هر مملکتك حيات و استقبالی آنجق اقتصاد و تجارت ساحه سنده ترقی و تفيض ايتسيله دائم و قائم اوله جغندن واضع قانون بو قضيه مهمه نك تأمينی ايچون مستثنا بعض تدابير حقوقیه و قانونيه اتخاذينه مجبور اولمش و بو باده آريجه بر افلاس بحثی قانون تجارتده درج و علاوه لزومی حس ايشدر. جسيم سرمایه مالک اولان بر کيمسه ساحه تجارت و اقتصادده اعتماد و امنیت صاحبي اولدقجه بر ايش يابه مادينی و بنا برين سرمایه نقدیه سی ثمره سز بر حالده قالدینی کي کلی مقدارده موجود نقود و امواله مالک اولان بر تاجر دخي وعده معینده ولو قليل و جزئی بر مقدارده دين تجاریسی تسويه اتمه ديکی تقديرده افلاس و نتایج قانونيه سنه معروض قالير. افلاسده اشخاص نالته نك حقوقی تأمين ايديله بيلمک ايچون بو باده واضع قانون بر چوق احكام تقنين و تثبيت ايشدر. بو حال بويه اولمقله برابر حقیقه ناموسیله اجرای تجارت ايدوبده حسب القدر معاملاتنده بوزغونلق و دورغونلق مشهود اولان صاحب اعتبار و اقتدار بر تاجری دخي افلاسه تابع طوتمقله برابر اونی اشبو موت معنويدين تخلص و حقوقی محافظه امرنده بر چوق تدابير احتیاطیه اتخاذ ايشدر. بو جمله دن اولق اوزره سندیک و ژوژ قوميسرک انتخاب

وتعینی، ماضی معاملاتی تدویر و اداره سی قونقورداتو عقدی کبی اصحاب مصالح
صلاحیتی داخلنده اولان بعض خصوصاتی دخی قبول و تجویز ایتمش و بصورتله برطرفدن
اصحاب مطلوب و اشخاص نالته نك حقوق و منافعی محافظه ایتمکله برابر طرف دیگردن
مفلسی دخی بین الناس دهافضله تشهر و تأثردن تحفظ و مستقبل حیات تجاریه سی احما
ایتمک ایچون متقابل وقاعدۀ عدالتۀ موافق بر جوق تدابیر اتخاذ ایلمشدر .

مع مافیۀ افلاسک، عادی، تقصیراتی و یا حیلۀ اولسی احتماله بناءً قونقورداتو
عقدینی دخی پک جوق صیقی احکامه تابع طومتشدر و مقصر و محیل مفلسلری دخی
مسئولیت جزائییه دخی معروض قیلمشدر .

بوابده واضع قانونک تعیین و تشریع ایلدیکی احکام مرحالده احکام آمره دن اولوب
بوابده حکامه واسع درجه ده حق تقدیر و یریله مشدر .

6 — تجارت بحریه قانونک تدقیقندن مستبان اوله جنی وجهله بوراده دخی واضع
قانون اکثر احوالده مستثنا بعض قواعد وضع ایتمش و فقط قسم مهمنده حتی سفینه
بحریه قبودانک بر جوق حقوقه مالک اوله بیلمسی و سفینه بحریه عادتاً انتظام و ضبط
و ربطی محافظه ایده بیلمسی خصوصنده رجوق صلاحیت و مأذونیت بخش ایدیش اولوق
اعتباریه بوکون تجارت بحریه متعلق بر معامله دن دولایی حضور حاکمه اولنه جوق
دعواده حاکمه پک بیوک و واسع حق تقدیر و یریله رک عدالت و نصفه داخلنده حل مسئله
ایده بیلمسی خصوصی قبول و تجویز ایدلمشدر .

هائمه — حاکم، برطرفدن احکام موضوعۀ قانونیه ده موجود احکام آمره دن و طرف
دیگردن وجدان و عدالت قاعده لرندن ملهم اوله رق کندوسنه عرض اولان منازع فیه
مسائل قانونیه بی حقوق اصول محاکمه لری قانونک تعیین ایتدیکی تعریفات و احکام
دائرهنده سربسته جۀ تقدیر و قناعت وجدانیه و محصلۀ علمییه سنه مستقداً ایجاب ایدن
قراری اتخاذ ایدر .

آووقات

نیمسوقنی زمبرلیدسی